

人生基礎哲學

柯璜
著



創于1897

商務印書館
The Commercial Press

014059783

B821
271

人生基础哲学

柯 璜 著



商务印书馆
The Commercial Press

2014年·北京



北航

C1746962

B821

271

087030310

图书在版编目(CIP)数据

人生基础哲学/柯璜著. —北京: 商务印书馆, 2014
ISBN 978 - 7 - 100 - 08457 - 4

I. ①人… II. ①柯… III. ①人生哲学—格言—汇编
IV. ①B821

中国版本图书馆CIP数据核字(2011)第130373号

所有权利保留。

未经许可, 不得以任何方式使用。

人生基础哲学

柯 璜 著

商 务 印 书 馆 出 版
(北京王府井大街36号 邮政编码 100710)
商 务 印 书 馆 发 行
三 河 市 尚 艺 印 装 有 限 公 司 印 刷
ISBN 978 - 7 - 100 - 08457 - 4

2014年8月第1版

开本 880×1230 1/32

2014年8月北京第1次印刷 印张 8 1/8

定价: 28.00 元

目录 Contents

序一 林森 / 001

序二 孔祥熙 / 003

序三 孔庆余 / 006

序四 孔德成 / 008

自序 / 009

1946 年版弁言 / 011

格物篇 / 015

致知篇 / 045

诚意篇 / 087

正心篇 / 105

修身篇 / 119

齐家篇 / 167

治国篇 / 177

平天下篇 / 225

序一

林森

陪都西郊有歌乐山，相传为大禹治水功成，以歌乐劳在事者旧址。山拔出市区千余尺，松林环绕，风景清幽，而气候宜人，迥异尘嚣。以故来游者日众，而建筑亦日多，遂成一道暑区焉。二十八年夏，余亦小筑山馆于其上，与云顶寺为邻。时适黄岩柯先生避寇来渝，安砚寺中，因得与余结识。先生道德文章，一时无两，曾膺各大学讲席有年，乐育英才，诲人不倦。青年学子，受其时雨春风之化者，遍及南北。余昔久耳其名，而以未得一见为憾。今竟邂逅于此，得与常相过从，宿愿获偿，快慰可知。先生工于吟咏，尝题诗岩石，为是山生色。又常出其绪余，为余指点移石之方、种花之术。一经点缀，即觉妙趣横生，俗态为之涤除净尽，其风雅有如此者。每值芳辰月夜，时复策杖闲游。仰观宇宙之奇，俯察自然之理，时有所悟，辄笔之于书。今夏汇成《人生基础哲学》八卷。盖集中外

名言嘉训，酝酿深醇，参以近代科学原理，阐其精微，明其奥义，叙述详赡，讲解透彻，与坊间所刊贤哲格言之仅事钞胥、初无新意者，迥然有别。洵足以启迪后学，点化愚顽，其有裨于世道人心，岂浅鲜哉。余既得先睹为快，故于其付梓也，为序以归之，并告世之提倡德育者。

中华民国三十年仲夏

序二

孔祥熙

民国纪元之九年，余与黄岩柯先生定础，遇于太原文庙。后数年，定础从曲阜、圣林返，道经石庄，复见寓次。言论行动之间，知其始终干城圣学。后常逢于会宴，余绊政务，未克畅叙。然定础凡有关阐扬圣道述作，时相投赠，声气固未尝一日隔也。南来人士，间及定础累年所事，或道路传闻，益觉定础且于社会人情风俗，民生疾苦忧患，以及人己修为、国家治乱、宇宙嬗演原理，终未能忘情也。抗战军兴，定础由太原避寇，迁道入渝。会余，问以近来新著，笑而唯唯，久之未有见示。余以年来国家大声疾呼，振新生活，且发动历代传统精神，建设全民心理。而泰西有心学者，近亦问津东方文化，于先圣尤所推崇。子思子云：“日月所照，霜露所坠，凡有血气，莫不尊亲，殆其时欤？”余夙有阐扬先圣群经之志，定础近与余往来鱼雁，亦时以方今宜特殊崇尚中国正学，标准世风

为言。余因请其商赞组织孔学学会，定础慨然为任。既而出所著《人生基础哲理（学）》，分为格致诚正修齐治平八篇，问序于余。余读各篇，虽非一一注脚群经，然与群经微言大义，多相表里。夫吾人著书立说，非实验与理想相参，成功与失败共证，山野与都市杂处，书籍与社会比较，暮年与少壮团体，古代与近今探讨，事外与局中反映，物质与精神相辅，圣贤与豪杰对比，华夏与东西参看，丧乱与承平递历，则学未必折中，理或有偏见。定础在晋三十余年，适际国家鼎革，变故相乘，内忧外患，动魄惊心。与大学诸生研究天文地文人文之余，仍从事宗圣洗心诸社，来复晋文诸报，三晋养正诸校，图书教育诸馆，天足拒毒诸会。与古今中外朝野人士，涵濡俯仰，上下其议论。所见所闻所思存，与闭户著书、闭门造车者，不可同年而语。昔达尔文（Charles Robert Darwin）静观万物之演进，群种之变化，归纳推理，有所觉悟。落笔数易稿，徘徊踟躅，至再至三，不敢付梓。迨历游高峰，过消雪线，航瀛海，走南北寒温热各带，生生进化，处处实证，疑者阙之，信者存之，疑信参半者俟之，例外者姑置之。乃于出版前，告世人云，某年月日，当发表某某学说，质于世。及《物种由来》（*The Origin of Species by Means of Paternal Selection*）、《人类后裔》（*The Descent of Man*）、《动植物趋异性》（*The Variation of Plants and Animals under Domestication*）、《人类与动物之表情》

(*The Expression of the Emotion in Men and Animals*) 各书出，生物进化之理，得成系统。远近学者宗之，至今勿替。今定础此书，语约意赅，取材真确，言中有物，物外有微，必非仓卒岁月所可成。自单简人我，推而世界伦类；浅近事物，推而大化根源。本人道正义、物理公式，以为万变不离之绳墨，阐前人欲阐所未阐，言今人欲言未即言，补身心之修为，弥群治之缺憾，亦近世作家之雄且杰者欤。主席林公谓有裨世道人心，蒋委员长称以覃思孤诣，诚无愧色矣！安得世人家置一篇，争先重译，俾定础之哲理，不胫而走，不翼而飞，流行于大陆洲岛。后之浏览此书，天宇之际，廓然而远，胞与之情，悠然而生，当必与余今者低徊愉快，同此怀想也夫。

中华民国三十年冬序于陪都

序三

孔庆余

孔学云亡，亡而未尝亡也。孔学云存，存而未敢云果存也。存亡绝续之交，欲救其亡，必有以开其先；欲永其存，必有以待其后，其势然也。今者老师宿儒，寥落如晨星矣。然皓首穷经，奋袂而起，扬眉伸纸，斐然有作。于是阐微言，申大义，别黑白，定主奴，拾旧闻，标新谛，严辟放，观会通，远绍旁搜，穷源竟委，举其所诣，成一家言，虽不一其指归，要各抒其心得，洙泗同风，断断如也。吾故曰：“孔学云亡，亡而未尝亡也。”道必有待而传，学必于后有继。今之后起，自髫龄而勺象，托飞走为话言，曰端蒙养，摭闾巷之俚辞，以为文章，非奇字而问亦不知，非章草而画不能正。试问《易》何以首乾坤，《书》何以尚典谟，过庭之《诗》《礼》无闻，据乱之《春秋》何志，固瞠乎无以应也。即谓其通鞮象，明周髀，识考工，知格致，尚不克以文言，而摭其所见，焉能就经术而

究其精微？则老师宿儒之著述，又焉能邀其一盼？望其为宗子，为替人，识大识小，可传可继，得乎？此风趋使然，学子固不任咎也。吾故曰：“孔学云存，存而未敢云果存也。”

黄岩柯定础先生，尽然伤之，于是有《人生基础哲学》之作。其义以孔子有言，自天子以至于庶人，一是皆以修身为本。本之云者，基础是也。修身何谓，人生是也。内而格致诚正，外而修齐治平，皆系乎此矣。其名则根于理智，而发其菁华，好学深思，心知其意，随触而应，有感斯通。破当世之迷蒙，综群经之纲要，以视泰西苏格拉底诸子，有以异乎！举而纳理智之中，谓之哲学，谁曰不宜。故其为文，不务艰深，则《法言》之遗也；不假摹拟，则《中论》之砭也；不逞辞辨，则《论衡》之约也；不杂谚俚，又《语录》之变也。孔子之学之教，涵濡于吾国之家庭社会国家者，历二千余年之深且久，政教于是乎出。当世运污隆之交，得先生是书，发其蒙而振其落，使后生小子，有所入德而进道焉。亡者于是焉存，存者愈以不亡，其嘉惠也宏矣，其发皇也大矣。余无文，何敢赞一辞。先生乃俛命引咍。谨缀所知塞责，殊不足以传是书也。然孔曰：“吾从。”孟曰：“我愿。”余于先生，敢窃比焉。

中华民国三十三年仲秋月孔子诞辰

华阳孔庆余保滋序于锦城之小尔疋堂

序四

孔德成

黄岩柯定础先生，以所著《人生哲学》增订版稿见示，并嘱序言。适日本投诚，行将东返，诸务猬集，一时未遑执笔构思。兹以全书梓讫，即将问世，乃匆匆拜读。知书近格言语录体，分类汇纂，盖多先生平生经历体验所得积累而成者也。至其精蕴独到处，诸序已言及，不复赘焉。

一九四五年胜利日孔德成序于重庆

自序

世间多少彰彰道理，半为前人道出，半为前人做出；亦有半为前人道出，未能十分透辟者；又有多少事理，为新时代错综递演而成，全为前人道未之及；亦有为前人浑容道及大概，竟为今人完全实现而出者。璜平生所见所闻所身历，于物我人已间，得其剧烈之刺激，大势之竞演，自然之变化，显明之例案，择其有益于人类人生，简直明了，神味渊永者，笔其元要，以为立身立命、治国治家之公例。章法句读，近语录格言，亦间有仿周秦诸子篇例者。文野杂投，雅俚互出，长短相间，唯求辞达意醒，见仁见智者，玩索而有所心许而已。夫历史悠久，世事纵横，书籍宏富，诚无涯际，璜自识之无，入世而后，数十年来，未尝离释编简。以至四十五十，群书之义蕴统系，仍多茫然。间或得其统系，窥其义蕴，亦未敢终以自信。盖由博反约，求简于繁，以易统难，难矣。况晚近科学分

门，精微细密，学者能专一家，已竭蹶毕生心力矣。欲博览群书，遍窥涯涘，果有余暇耶？即有宏远英敏之彦，分神泛览，然揭其领而钩其纲，夫亦不易。近世名家，往往专补一科，疏忽人事，为世所诟病。好学之士，尝与璜究古今理，璜一时应对，旁微解释，多所遗漏。退有歉然终日，不能以自克。乃节录笔记中之切要事情，言简意赅，如理化算学之公式定例方程，足以供人生注意者，共五百六十问题，分为五百六十节。由浅及深，由身及国，以及人群事理、宇宙原因，分格致诚正修齐治平八卷表出之。俾研求心身家国之道者，可以互相参证已耳。学问推演，日新不已，事物变化，层出不穷，此区区平生似觉悟之万一，质之于世，直太仓一粟，沧海一沔。高明者或有以教之也。

民元三十年岁次辛巳春黄岩柯璜叙于陪都孔学会

1946 年版弁言

璜将再版。或问此书何为而作？答云：“璜起是稿，是多年玩索孔子遗书，证之古代历史、现今社会，根据孔子学说，阐发注脚之而已。”又问：“子既云是阐注孔氏学说，按孔经格致诚正修齐治平八条目，其中似无如此破碎俚杂话头。”答云：“此八篇旁征曲引，仿佛有碍孔门雅正学理。然不如是迂回曲折，详明亲切，直截了当出之，无以浹洽兴情，显征真谛，更难以推扩经旨于融铸中西学说之时期。”又问：“然则中国五千年历史、四百兆先民，岂无余子余篇可取，而必宗主孔氏一家，何也？”答云：“如此广大悠久世界，诸家众长，固难枚举。要知孔子学说，是综春秋以前，华夏三古百氏，形上人道之长，而集其大成。含容道治、礼治、人治、法治最高哲理，枢纽其万端，其余百家群学体用大旨，不出其范围。然诸家或适此时，不适彼时；适此疆，不适彼界。利弊得失，消长

其间，盖学说稍形偏倚，从违或发畸形。孔子学说，和平中正，不分时空，农士工商各界，莫不咸宜。故以之格致诚正修齐治平，如日在长天，光临大地，群生万类，向荣欣欣。著书立说，宗主其理，固可俟百世而不惑者也。又问：“细读此篇，其间与欧洲古今哲学，参错贯通，多相表里，似不独取法孔氏，何也？”答云：“中国人心所同然者，西国人心亦所同然，不同者文字语言耳。璜研人生全盘哲理，璜亦间尝参今古中外学理。细按同时人群心理、生理、物理，究竟其优劣强弱盛衰贫富寿夭生死症结所在，并体会动植飞潜虫鱼草木，分布生殖形态发育代谢之原因，终而反求诸万物皆备于我之神经之所如何感觉，喜怒哀乐之所如何变态，眼耳口鼻之所如何接触，发生如何情状，同此人类，同此筋肉机能，同此形骸应付，虽形形色色，迹象万殊，而人类一贯精神，要不外求乐利，得健康，永和平，一人情；要不外求建设，免破坏，少纷争，久平治，一心理。中国古今贤哲，犹是人情，犹是心理。西国古今贤哲，犹是人情，犹是心理。故此篇无一句越孔子范围，亦无一节背西儒恒训。凡一理说到透辟，无论中外文野过去未来，是同不是异，是一不是二也。又问：“然则熟而玩之，实而践之，当生何种效果？”答云：“果能细以体，而健以行，在一身为安绥，为福寿，为强种族。推之一国为物阜，为民康，为秩序安宁。反而行之，结果亦必反之。又问：“如是如